


Republika ng Pilipinas  
Lalawigan ng Bulacan  
Lungsod ng Malolos



TANGGAPAN NG PUNONG LUNGSOD

## ATAS TAGAPAGPAGANAP BLG. 24

Serye 2021

**ATAS NA NAGLALAHAD NG MGA PAMANTAYANG IIRAL SA LUNGSOD NG MALOLOS MULA IKA-1 NG HULYO, 2021 HANGGANG SA IKA-31 NG HULYO, 2021.**

**SAPAGKAT**, alinsunod sa Resolusyon Blg. 124 ng Inter-Agency Task Force For the Management of Emerging Infectious Diseases na may petsa 30 Hunyo 2021 ang klasipikasyong pangkuwarentinang General Community Quarantine na may kaakibat na ilang paghihigpit sa mga pinapayagang gawain o aktibidad (*with some restrictions*) ay iiral sa Lalawigan ng Bulacan mula ika-1 ng Hulyo hanggang sa ika-31 ng Hulyo, 2021;

**SAPAGKAT**, alinsunod sa Seksyon 16 ng Kodigo ng Pamahalaang Lokal ng Pilipinas 1991, nararapat na siguraduhin at suportahan ng mga pamahalaang lokal ang kalusugan at kaligtasan ng kanilang mamamayan bilang bahagi ng pangkalahatang kapakanan sa kani-kanilang nasasakupan;

**SAPAGKAT**, alinsunod sa Seksyon 455 (2) (iii) ng Kodigo ng Pamahalaang Lokal ng 1991, ang Punong Lungsod bilang Punong Tagapagpaganap ng pamahalaang lungsod ay may kapangyarihang mag-akda ng mga atas tagapagpaganap para sa taimtim na pagsasagawa ng mga batas at ordinansa;

**AT SA GAYON, DAHIL DITO, ako, si INH. GILBERT T. GATCHALIAN**, Punong Lungsod ng Lungsod ng Malolos, Lalawigan ng Bulacan, sa bisa ng kapangyarihang kaloob sa akin ng mga umiiral na batas, ay ipinag-uutos ang mga sumusunod:

**SEKSYON I. PAGLILIMITA NG MGA GAWAIN O AKTIBIDAD NGAYONG GCQ.** Tanging mga hindi maiiwasang pagbiyahe ang pinahihintulutan gaya ng pagtungo sa lugar ng hanapbuhay, pagbili ng mga pangunahing pangangailangan, at pagtugon sa tawag ng tungkulin sa tanggapan o industriyang kinabibilangan;

**SEKSYON II. PAHINTULOT NA LUMABAS NG BAHAY.** Tanging ang mga may edad na nasa pagitan ng *18 hanggang 65 ang maaaring lumabas ng bahay*. Ang lahat ng buntis at ang mga may isyung pangkalusugan ay nararapat na manatili sa loob ng bahay sa lahat ng panahon, liban na lamang kung ang kanilang paglabas ay para sa kanilang kalusugan, paghahanapbuhay, o pagbili ng mga kinakailangan / serbisyo kung sila ay namumuhay na walang kasama sa bahay.

**SEKSYON III. PAGTALIMA SA MGA PINAIGTING NA PAMANTAYAN AYON SA RESOLUSYON BLG. 124 NG IATF:**

1. Ang mga restaurant, at iba pang kainan ay pinahihintulatang magkaroon hanggang sa ika-40% ng seating capacity para sa indoor dining, at 50% ng seating capacity para sa al fresco o outdoor dining;

2. Ang mga personal care services na kinabibilangan ng beauty salons, beauty parlors, barbershops, medical at aesthetic clinic, cosmetic or derma clinics, nail spas, reflexology, aesthetics, wellness and holistic centers at iba pang kahalintulad na establisyimento; acupuncture at electrocautery establishments ay maaaring magbukas hanggang sa 50% capacity *para lamang sa mga serbisyong maaaring makapagsuot ng facemask sa lahat ng oras ang kliyente*;

3. Ang mga *meetings, incentives, conventions and exhibitions* (MICE) ay pinahihintulutan hanggang sa 40% ng *venue capacity*; samantalang ang mga *social events* ay pinahihintulatang daluhan ng hanggang sa 10% lamang ng venue capacity;

4. Ang mga indoor tourist attractions, historical sites at mga museum ay pinahihintulatang tumanggap ng bisita hanggang 40% ng venue capacity; samantalang ang outdoor tourist attractions na pahihintulatang bukas ng Kagawaran ng Turismo ay maaaring magpapasok ng turista hanggang 50% ng venue capacity; samantala, mananatiling sarado ang mga indoor tourist attractions;

5. Ang mga religious gatherings ay pinahihintulatang daluhan ng mga mananamba hanggang sa 50% venue capacity. Tinatagubilinan ang mga Pinuno ng Simbahan na magsumite ng kanilang *health and safety protocol plan* upang masiguro ang kaligtasan ng mga mananamba;

6. Ang mga gyms at fitness center ay pinahihintulatang magbukas hanggang sa 40% ng venue capacity. Ang iba pang indoor non-contact sports venues ay may pahintulot na magbukas hanggang 50% ng venue capacity;

7. Ang paglilibing at lamay ng mga mahal sa buhay na pumanaw hindi dahil sa coronavirus ay pinahihintulatang daluhan ng mga miyembro ng immediate family ng namayapa;

**SEKSYON IV. MGA HINDI PINAHIHINTULUTANG MAGBUKAS NGAYONG GCQ ALINSUNOD SA DEPARTMENT OF TRADE AND INDUSTRY ADVISORY NO. 21-11:**

1. Entertainment venues na may live performers gaya ng karaoke bars, bars, clubs, concert halls, theaters, at mga cinemas;

2. Recreational venues gaya ng mga internet shop, billiard halls, amusement arcades, bowling alleys, at mga kahalintulad na establisyimento;

3. Amusement parks o theme parks, perya, kid amusement industries gaya ng playgrounds, playroom, at kiddie rides;

4. Casino, cockfighting, operasyon ng mga sabungan, lottery, anumang tayaan, at iba pang laruan, liban na lamang kung may pahintulot ng IATF o ng Tanggapan ng Pangulo ng Republika ng Pilipinas; at

5. Indoor sports, courts and venues para sa mga contact sports.

**SEKSYON V. PAGPAPATUPAD NG MINIMUM PUBLIC HEALTH STANDARDS.** Ang Kapulisan at ang mga Barangay Tanod sa pamamagitan ng Tanggapan ng mga Punong Barangay ay inaatasang siguruhin na walang sinumang makalalabas ng kanilang mga bahay ng walang face mask at face shield. Hinihikayat ang mga nakatatanda at ang mga may isyung pangkalusugan na magsuot ng face masks maging sa loob ng tahanan.

**SEKSYON VI. PAGGAWA SA MGA TANGGAPAN AT INDUSTRIYA.** Mula sa ika-1 ng Hulyo, 2021 magbabalik na sa full operational capacity ang lahat ng Tanggapan ng Pamahalaang Panlungsod.

Ang mga Pampublikong Tanggapang nasa ilalim ng Pamahalaang Nasyunal ay inaatasang makipag-ugnayan sa kanilang Central Office patungkol sa bahagdan ng kanilang operasyon ngayong General Community Quarantine.

Ang mga pribadong establisyimento ay inaatasang makipag-ugnayan sa mga ahensiya ng Pamahalaang Nasyunal na nakasasakop sa kanilang industriya at tumalima sa DTI Memorandum Circular 21-19 Series of 2021.

**SEKSYON VII. STAY SAFE.PH APPLICATION AT SAFETY SEAL.** Ang lahat ng tanggapan at establisyimento sa Lungsod ng Malolos ay muling tinatagubilang gamitin ang Stay Safe.Ph Application upang matulungan ang pamahalaan tungo sa epektibong contact tracing. Patuloy na magsasagawa ng inspeksyon ang Bantay Covid-19 Special Team ng Lungsod upang gawaran ng Safety Seal ang mga tumatalimang establisyimento alinsunod sa DOLE-DOH-DILG-DOT-DTI JMC No. 21-01 Serye 2021.

Alinsunod sa IATF Resolution 118-A, ang mga establisyimentong nagawaran na ng Safety Seal Certifications ng Pamahalaang Lungsod ay maaaring magdagdag ng 10% sa pinahihintulatang bahagdan ng on-site capacity, venue o seating capacity.

**SEKSYON VIII. CURFEW.** Ang curfew hours na ipatutupad sa Lungsod ay 10PM hanggang 5AM.

**SEKSYON IX. PAGKONSUMO NG ALAK.** Tungo sa pagpigil ng pagkalat ng sakit na COVID-19 sa Lungsod, ang mga establisyimentong mayroong inuming nakalalasing ay tinatagubilang hanggang dalawang (2) bote/servings lamang ng alak ang maaaring ibigay sa kanilang mga kliyente.

**SEKSYON X. MAHIGPIT NA PAGTALIMA.** Ang Bantay COVID-19 Special Team na binubuo ng mga kawani at kinatawan ng *City Health Office, City Disaster Risk Reduction and Management Office, City Administrator's Office, Business Permit and Licensing Division, Philippine National Police, at Bureau of Fire Protection*, ay patuloy na inaatasang makipagtulungan sa Tanggapan ng mga Punong Barangay tungo sa mahigpit na pagpapatupad ng *Minimum Public Health Standards*, at ng mga nilalaman ng Atas na ito, at iba pang kaugnay na batas at alituntuning inilathala o ilalathala ng Pamahalaang Nasyunal patungkol sa *Community Quarantine*. Idinadagdag bilang kasapi ng Bantay COVID-19 Special Team ang City Information Office alinsunod sa DILG Memorandum Circular 2021-053.

**SEKSYON XI. SUGNAY NG PAGHIHIWALAY.** Kung sakaling ang alinman sa mga sugnay ng Atas na ito ay maipawalang-bisa, ang mga nalalabing bahagi ng atas na ito ay mananatiling may bisa.

**SEKSYON XII. SUGNAY NG PAGBUBUKLOD.** Anumang batas, atas, ordinansa, o regulasyong ipatutupad ng Pamahalaang Panlalawigan at Pamahalaang Nasyunal kaugnay sa umiiral na klasipikasyong pangkuwarentina ay ginagawang bahagi ng Atas na ito.

**SEKSYON XIII. KABISAAN.** Ang Atas Tagapagpaganap na ito ay binibigyang kabisaan mula ika-1 ng Hulyo, 2021.

Nilagdaan ngayong ika-1 ng Hulyo, 2021. Lungsod ng Malolos, Lalawigan ng Bulacan.

  
INH. GILBERT F. GATCHALIAN  
Punong Lungsod